

听吟清室诗选

刘乙堃 著

一九九五年九月

听吟清室诗选自序

听吟清室寓者，幼喜读书，尤爱诗歌有韵之作。高中竣业，转执教鞭，先后设补习馆于高州城及家乡七年。其间恩受朱觉斯先生悉心培育，对历代诗歌体裁略有窥见，遂开始写诗，兴到即作，勉励诸生笃学，从声调中鼓起勇气，亦一道也。一九四二年秋，肄业于广东国民大学，中文系主任王雪溪教授加意指导，从此才踏入诗学之门，敢于纵笔言志矣。

一九五四年有樊迟学稼之缘，自湛回家，与农民同甘共苦。于田间山上参加各项劳动，触发诗兴，往往随口吟成，不加修改。如《采薪》“青山不老长容树，白发初来更读书”，《惜阴》“白日过天斜线短，黄牛耕地小犁长”，诸如此类，诗句皆流畅自然，不加雕琢。作者生活在农村二十多年，所写不下五六百首，由于文革期间，不克保留，一并失去，直至一九八一年，才正式留稿。以前所作，从记忆中幸存者寥寥数十耳。

一九八二年，作者平反休居，两目失明，次年移居邻镇石鼓，就犹子瑜生照料。斯时能听不能读，能吟不能写，一切皆依赖亲友，因自号所居曰听吟清室。由于条件所限，除写诗谈诗外别无他能，因把残年余力，尽投入推敲之中，并以此报答党和人民之厚爱。十多年来，所写将近万首。形势不同，心境亦异，静观世态，抒发已志。经从弟瑞坤编选为一千多首，简加注释，并由亲弟容照编刊版。非敢问世，敬希骚人雅士，明揭其短，冀一息尚存，犹可及改也。寓者谓谁？高州镇江刘乙堃也。

一九九五年夏于石彭

听吟清室寓者自传

乙卯之年，仲春之月，生明前夕，坠地寝床。父母欢娱，亲朋庆贺。让梨入塾，独写修能；温席之初，黄香失学。牧牛于野，学稼于畴。每听书声，心如刀割。三年倏过，再读乡庠；初高中，不甘人后；名居榜首，更进竿头。升大题榜。辍于家境；设馆授徒，栖息高城。趋步朱师，授教南山之院；切磋颜友，同窥大道之门。间学诗歌，潜心经史。精读横渠之性理，久坐茂叔之春风。攻木叩中，深知教学之相长；携童挈冠，不辞浴泳之偕游。默记诸经，渐得知新于温故；勤修四教，深思继往以开来。正当祖国多难之秋，不待鸡鸣而起舞；每吟志士先忧之训，常思击楫以狂歌。七载攻关，未能深造；百科如海，选好专研；数理渐疏，文学偏近。拟观壮于宏都，决遨游于太学。值知交之援引，窥危峻之宫墙。从此折节读书，不计道途之棘阻；兼肩教业，少济生活之罄悬。加以训导长李伯贡之青垂，系主任王雪溪之乐育，方知未成玉器，急须求砺于他山；欲摘骊珠，母辞探险于沧海。四年之间，若有所得；知类通达，远愧未能。反而论证于朱师，同工异曲；未敢求沽如端木，磨器待时。授业解惑以终，洵非所愿；修辞立诚再励，冀遂初心。

一从抗日凯歌，神州启泰；移山功立，大陆天翻，贡禹弹冠，庆王阳之有职；飞龙在位，效野人之献芹。始执教于湖光中学，继受任于湛江农场。既已用非所长，须效樊迟之学稼；终以途行未远，遂赋元亮之归田。正当不惑之年，岂无致身之日；转怜放勋之世，应讴耕凿之歌，于是沐雨栉风，不怕胼胝其手足；

扶犁肩粪，每当宵旰此衣餐。朝夕与老农相亲，希遇德公之教；出入听布谷之唱，每怀后稷之思。三岁之余，粗尝树艺；一友之访，又进校园。培桃李于桂山，伴科研于群智。大搞勤工俭学，种地开荒；欣兹驾熟就轻，率先领后，既受生徒之敬誉，也幸群众之宠荣，公社化来，茂名市建，制宜因地，停敲讲钟；负书担囊，重归故里，家怡队喜，任记工分，秉正不阿，或受懒人谤议，以身作则，深得广众之同情。力气不若人，将勤补拙，开工凭号令，慢脚先行，出必居前，归不迟后，箕大桶深，耻拈轻而就重；工多酬少，常爱队以为家，文革之初，高文之洞；忽逢秋旱，已濒稻枯，承队长之信任，组抗旱之大军，百亩之陇，六级之渠；水远车多，轮班作息，有防风之后至，恐流水之或停；不怕张冠李戴，竭尽绵力以劳身，连续三旬，直至云生雨降，欢欣百户，齐呼胜利以归来。不幸丧偶中年，竟来炊臼之悲；慈萱继逝，加哀蓼莪之读。事已至此，痛深何益。转念寡独孤鰥，神州大不乏人；枕冷衿寒，蓬茅或甚于我。化悲痛为力量，古哲皆然，履危厉若坦夷，穷心益奋，誓为生产队献身，不谋私利，仰望新中国前景，着力勤劳。适值百果园兴，荔枝广种；遂开社员大会，众口交推；携一童侄，欣然独管。于是早出晚归，细育精培；访经验于园翁，勤接种于老树。千荔高低，连年成长；五丘土石，四臂锄翻。肥泥取自污塘，肩挑上岭，稀粪来于村厕，力竭忘劳。任教雨横风狂，多方护树；不令牛伤豕损，加意滋苗。遥想革命诸公，几经出生入死，似此霜寒日烈，不过拾芥拈针。为队生财，为邦出力；更觉气雄志决，一往直前。曾写龙骨车之律，扬谷器之诗，以表此心之诚（两诗已编入诗选），为行之笃。挖井种树，重利别人，读书任职，也当公仆。幸苍天不负有心之士，老圃长出丰果之林。引来公社之褒称，乡邻之赞誉。农田

承包后，荔园几度分合，仅余六百多株，今已果硕木荣，收益可喜矣。

自三中以来，政策开放，提倡改革，发展经济；重视文化科学，搜罗巧匠能工。我也年过杖乡，出任教职，重操旧业，敢嫌谆谆启发之劳？愈戴新天，益厉切切磋磨之苦。鸡鸣而起，争兴早读之风，夜半未眠，犹改诸生之卷。由此老眼渐昏，青光致病；四年之后，两睛失明。幸而平反复职，退休有薪，职事生涯，已成春梦。时在一九八二年八月，正改革迈进之时，豪杰献身之日。大造生财，何薄于我？抱一线之希望，盼厚助于歧黄；近走湛城、远奔穗市；两回施剪，都不奏功。扫兴归来，无以自慰；辗转反侧，终夜难眠；忽听鸡声，顿开心窍。想云雀之高唱，远震晴天；悟黄鸟之欢鸣，赞歌春色。不能读，亦不能写，大可借眼于旁人；克勤听，又克勤吟，奚不捉刀于胜友？保尔之钢铁，百炼斯成；师旷之乐音，专心致妙，左丘因瞽而著书，卜商以丧明而愤教。此皆可歌可泣之事，起衰挽懦之行。我虽年近稀龄，心犹壮岁；耻天地之虚生，感国粹之几灭；忆萱庭之厚望，感师友之笃励；党恩国泽，左策右鞭；千里毫厘，间不容发。因而重整旗鼓，把握征舵；未泛科洋，先观诗海。从前熟记之篇章，跃然眼底；四面糊涂之景物，活现心头。虽不能亲览名山大川，也可凭听觉言传意会。定居石鼓，岂慕昌黎之歌；结友金墩，为就香山之老。读书查典，皆吟友之扶持；落纸挥毫，尽知书之替代。因自号所居曰听吟清室。千思交织，十年万首未为多；一字敲安，清夜深吟洵可乐。蓝天广阔，有飞不尽之歌云；盛世唐虞，有击不完之句壤。虽非锦心绣口，尚可假物拟人。绘美丽之河山，情深爱国；感沧桑之世事，志激抒怀。狂巫弄鬼，岂独口诛；小丑跳梁，每加笔伐。奖精神之文明，批妖邪之舞弊。倡

廉反腐，仁政可不讴歌？激浊扬清，歪风自当移易。有关国计民生，虽微亦述；不论亲戚好友，知过必规。虽不冀目击道存，也不肯同污合秽。思九州之大，岂少李唐赵宋之诗人；争鸣之秋，定有鼎新革故之创调。烛武无能今老矣，终军有志岂稀哉！自问才非三百，宁无发奋之篇；忧异三间，也动离骚之慨。况无室牵挂，自比孤僧；面壁精思，有同达老。古今贤哲，如临座上之高宾；闪烁星辰，并列窗前之亮烛。听中西之大事，耳聪播台；察邪正于秋毫，心存明镜。弟兄满寰宇，总是芳邻；花鸟共笑歌，宁非挚友？到处皆诗，无须偶得。今居古镇，友广新知，情同旧雨；同声相应，望气偕来。丰华闪烁于陋巷，俊秀卓出于市缠；论学则辛勤笃好，言诗则韵律精娴。相与朝夕相处，或旬日一谈，每有命题，欣然竞和，不管巴人白雪，细共观摩；如遇荆玉随珠，吟不息口。以此日斟月酌，字琢句磋；皆有所成，争求进步。适高州成立中华诗词学会，遂踊跃参加，扩张视野。古城既多耆秀，老圃更出新才；革命老辈，好学后生；济济一堂，駸駸并驾。淦水诗集，已刊多期；金墩吟卷，亦希独出。众志成城，定酬此愿。我来共学，十有二年，万首诗中，了无惊人之句；群骚眼里，难免覆瓮之讥。先版刘梁方诗选。已露端倪；再出听吟清室诗集，俾明根柢。同求教于雅人深爱，改正此渊海迷航。今后仍坚持继唱新天，重温古学。虽非时尚，实慕先觉之精诚，况值愆风，应作后生之借鉴。身虽愚鲁，曾受贡俊之薰陶；志不卑污，更爱仕途之洁净。念兴亡之有责，穷耄耋之益坚。读孔孟之书，无闻可耻；探周张之理，有志欲精。思益世道人心，何妨管见即录。甚冀自成一册，仿语录之浅谈；趁此余年，竭丹心之朗照。倘能遂愿，岂不佳哉。

题五兄诗稿

京都何必献华篇，
五柳轻阴且力田。
畝亩情怀资述作，
江山锦绣著诗笺。
玄言不道卑康乐，
隼语难搜愧惠连。
未逮孔门商与赐，
愿追骥尾执长鞭。

弟瑞坤敬题

1964年夏

注：该诗稿是1961年至文革前的存稿，已毁。

五兄八秩晋一贺辞

寥落乾坤一老儒，
别无长物腹中书。
尼山得意称回也，
宦海萧条惜望诸。
迹近西河微暖席，
分安稼圃守穷庐。
乔迁石鼓多豪客，
酒肆夷门结友徒。

其二

诗界纷纷向九夷，
宗唐挥翰独张旗。
水车风柜生新意，
九尾鵝头入俗词。
惜遇红羊遭毁弃，
转因苍鬓促驱驰。
豪情直欲跨荷马，
万首吟成力未衰。

其三

情为兄弟义犹师，
少小担簦步步随。

乡塾勉怀匡济志， 君堂遥诵激昂辞。
卅年颠蹶同茹苦， 十载安居渐别离。
八一芳辰昆友集， 仰瞻康乐晋期颐。

弟瑞坤敬贺

1995年春

五兄诗集编选告一段落，将以付梓，权将以上
七律四首抄录代序。

瑞坤谨志

1995年夏

听吟清室铭

衣不在都，称身则荣；食不在珍，适口则馨，斯是清室，
笃我诗鸣。视里乾坤漠，怀中日月明。唱酬多发白，坚壮若
年青。辅余吟古调，听今声！近南风之解愠，远尘俗之争名。
颜居无陋巷，陶宅有闲情。张子云：玉汝于成。

目 录

一、七律918 首	(1)
二、七绝392 首	(250)
三、五律绝 76首	(317)
四、附录：	(335)
附件一、先君事略	(335)
附件二、朱觉斯先生传略	(338)
附件三、朱觉斯先生遗诗拾零	(343)

一 七律

往广州参加升大试寄呈朱觉斯先生

(先生时在高州) 1937年

漠漠尘扬扰病思， 未来先自度归期。
一声笛震惊千里， 百处山迎走万骑。
苍海有澜空惆怅， 白云无迹任东西。
回头及岸原非远， 游子无心说换衣。

乔迁学舍望月 1940年

陡回海运息南醞， 八极庭衢卧岂贫？
明月照心天与镜， 澄光入室地铺银。
琼楼身到何须梦， 小院风过不带尘。
浮世莫轻夸富贵， 何如怀抱玉瑶琨。

由家往镇江于黄雨田先生

小阁偶题 一律

水光山色赏多奇， 坐领风骚世岂知？
黄鸟声中春雨歇， 南窗读罢晚炊迟。
别从市井开生面， 也向屠沽见笑眉。
阁上休空一樽酒， 今来仙客醉题诗。

适白土谒候朱觉斯先生，值朱朝裕朝明

兄弟邀饮步和其《玩月》之作 1941

迟迟佳月出云隈， 照彻衿怀净不埃。
一别恼人言再会， 三年适馆喜重来。

自惭湜籍非惊座^①， 早识郊祁是俊才^②。

对酒方酣诗亦酌， 此情端胜上春台。

送明弟考读海珊中学 1941

竹摇清影鉴江秋， 涧草林花共引愁。

身上衣痕慈母线， 客中归路贾人舟。

功名愧我先公序^③， 志业凭君寄子由^④。

最好江山读书处， 仙人旧馆鸟鸣幽^⑤。

注：①皇甫湜、张籍皆师事韩愈。②③郊祁指宋郊宋祁兄弟；郊字公序为兄。④子由苏轼之弟苏辙。⑤仙人旧馆在高州观山公园，时作海珊中学校舍。

辛亥革命纪念节近重阳 1942秋

寂历黄花冒雨开， 又逢节日赏秋回。

吟诗不为催租废， 把酒兼从落帽来。

层岫远遮千里目， 寸心遥祝万年杯。

何时痛饮酬佳节， 馆谷黄花醉醪醅。

淫雨不止 1942、11

天公淫注苦为囚， 倒泻银河更不收。

急雨跳珠轻入室， 湿云涌絮重霾楼。

欺余愧漏栖穷巷， 偏汝无功到早秋。

况复哀军犹未胜， 空阶一滴一添愁。

一九四三年初读国民大学于楼岗 暮游苍江赠同窗谢若田

曷来徙倚暮江头， 指点秋原作胜游。

秋客衣裳从烂漫， 诗人草木例雕镂。
鸡窗投笔思潮涌， 雁阵传声敌焰浮。
若问少陵何所似， 茫茫天地两沙鸥。

春旱望雨 1943春

群星炯炯弄芒毫， 万籁浮天尽夜号。
春似壑蛇遮不住^①， 道如冥鹄仰弥高。
漫思瓶罄为壘耻^②， 忍见民生抱瓮劳。
呼起雷师并风伯， 岂慳农父一犁膏^③。

注：①东波诗：“欲知垂尽岁。有似赴壑蛇修鳞半已没，去意谁能遮。”②《诗经》“瓶之罄矣，为壘之耻。”（壘盛酒器），比喻人民有疾苦，乃官吏之耻。

③膏即油，谚语：“春雨贵如油。”

再过君堂 1943

再过君堂锦水妍， 风掀鳞浪荡江烟。
盘桓羽客茶中味， 领略生民食外天。
抗战健儿犹浴血， 交侵胡虏更投鞭。
贤愚此日何须论， 归望乡庠醒独先^①。

注：市旁有独醒小学

答谢若田兄见寄并步其韵 1944

他时赠帛古河滨， 倾盖浑忘甑有尘。
赳鲤远为诗作使， 素心长觉月堪邻。
树云不尽三秋意， 风雨应怜百岁身。
若论升沉吾辈事， 即今漂泊未全贫。

王郁文兄悼词

砚席芝兰束发看， 赠衣应惜夜吟寒。
鸡声蹴起刘琨梦^①， 雁信期弹贡禹冠^②。
瘦颊终年为道蹙， 余生从此与灯残。
可怜颜子穷还夭， 长使诗书气味酸。

注：①祖逖刘琨闻鸡起舞。②贡禹闻友王阳得官，弹冠相庆。

与何达等谒王雪溪教授归而作此

回由高义风资深， 洙泗渊源尚许沉^①？
谋道岂知温饱计， 望墙无尽步趋心。
浴从沂水追风会， 归自濂溪趁月阴^②。
若问胸怀狂也狷， 怡然曾晰抱瑶琴。

注：①回颜回，由，子路；洙泗渊源指孔教。
②浴沂是孔子弟子曾晰的志趣；濂溪是宋儒周敦儒的故乡。 此篇1945年作于春湾

游春湾某岩洞 1945年春

谁使高山石磊成？ 顶疑刀削插云层。
穿岩似入牢全暗， 出洞翻欣世渐明。
桑竹萧疏形悴色， 儿童饥饿有哀声。
此来错认桃源景， 空引渔人向往情。

抒 怀 1945年

叩角高歌矧未能^①， 突梯谄媚笑何曾？

读书十载身奚补， 作赋千篇命转憎。
 殷世功名归喊呐， 古人肉食在飞腾。
 治安有策无从献， 空见民生水火增。

注：宁戚叩牛角作歌以干齐柜台。

失送王雪溪师病重归乡（失期不遇）

迷茫瞻忽瓣香时， 趋步心情只自知。
 人与习移忘弃历^①， 天教神别淡伤离。
 少陵忧国身多病， 王湛传经世转痴。
 生事好乖何足论， 月明千里即佳期。

注：①王师以旧历告归期，误作新历，故失期。

附记：王雪溪教授名澍，民大中文系主任，王师古诗文工力甚深，惜穷病交迫四十余岁即歿。

感 时 1947

耳顺犹难况古稀， 贫来真个赋无衣。
 囹圄已满人犹罪， 仓庾全空鼠亦饥。
 瞻父血凝山尽子^①， 望夫泪冷石皆妻。
 不存皮肉毛焉附， 指日偕亡泣路迟^②。

注：《哀江南赋》：“山望子而愈多。”②“时日昌丧，予及尔偕亡”是百姓写绌的说话。

通货膨胀，物价飞升 1948年

十釜明粢贸一裾， 初无担石更遑储？
 书稀已为邮钱少， 交贱何妨礼数疏。
 珍重敝袍宁异貉， 归来长铗敢谋鱼？
 匡衡壁后光难穴， 好觅飞萤照五车？

抽 水 器

1962年

昂扬夭矫若游龙，吐雨嘘云变化同。
渴去鲸吞竭江水，怒来虎啸飒林风。
天煎地灼身何惜，钢骨铜筋力匪穷。
镇日忧劳非为己，弥纶造物不言功。

诛 蚊

飞扬跋扈恣凶横，所至城乡满血腥。
无孔强钻申锯爪，同污纠合呐雷声。
乘昏惯恃人堪榨，怙恶焉知罪贯盈。
一霎万家齐发手，熏烟燎药断残生。

赠新知李可建同志

1962年秋

新知倾盖似秋霖，示我周行惠泽深。
稼穡倥匆忘午夜，谈言微中赏清音^①。
醇醪对酌心先醉，流水生光响未沉。
得此人生可无憾，况当兰玉满庭阴^②。

注：①李夜阅近作。②时诸弟侄在座。

上 山 斩 柴

洗石磨刀斫岭茆，樵苏供爨意常舒。
青山不老长容树，白发初来更读书。
劳动常需思创造，生涯哪敢弃居诸？
无能幸值昇平日，晚食荣公乐有余^①。

注：荣公晚食以当肉，安步以当车。

悼 亡 1968年

（悼亡诗数十首，仅记此首）

雁寡鸿孤哀怨深， 断弦碎柱不成琴。
生烟空恻蓝田玉， 啼血难平杜宇心。
万物凄零谁照管， 高堂耄耋病侵寻。
愿栽桃李千千万， 遍作人间无限林。

答何文泉兄唁亡妻诗

寻常淑德未多贤， 彩笔挥成懿范篇。
高义朗同千里热， 朱华深照九重泉。
勤劳益著因人重， 汗泽弥芳感物妍。
十八年来刚有雁， 非君谁与解思悬。

敬悼周总理 1976年

弼世全功见几人， 去来心迹为人民。
匡勦宇宙沧桑业， 绚烂乾坤锦绣文。
觅母呼爷天下痛， 函哀电唁五洲纷。
英灰大地江河遍， 化育年年草木春。

自 勉 1979年

流水滔滔日夜过， 瘦驴其奈舛途何？
已抛官挂三千蕊， 岂计江汶尺寸波。
十载林风消壮志， 三年农活事讴歌。
斜阳只恐黄昏近， 弃璞闲锥勉琢磨。

暑假重瞻生产队百果园 1980年

两年解 惑意差池， 旧圃回看感慨滋。
树木树人归一体， 劳心劳力岂分歧？
舍鱼未必餐熊掌， 爱月翻难折桂枝。
多少园英趋落寞， 仿同三径欲荒时。

漫 兴

横挥杜老千军笔， 少纵陈思八斗才。
妙句每于忙处得， 灵机偏向急时来。
三千世界周流下， 咫尺星河澡咏回。
可惜月宫无片瓦， 珠楼玉宇几年开。

闻 雁

东天犹挂启明星， 过雁频频寄友声。
去就因时非浪迹， 往来捎信亦多情。
岂同燕雀争残粒， 要共鲲鹏论远征。
愧我疏慵无是处， 幸餐篱菊老渊明。

志在远大不争微末勉诸同学

万彩千松毓秀森， 数株樗栎不成林。
要从洋海争空阔， 岂与池塘沧浅深。
日月光华辉宇宙， 熠熠闪耀见衣襟^①。
嚶鸣我爱春来鸟， 出谷迁乔正好吟。

注：杜诗“牵罗巧入坐人衣”，此指微弱之光。